

9. RAPPORT VAN DIE DEPUTATE KORRESPONDENSIE VAN DIE AGENDA (ARTT 8), 339

- A. Br HSJ Vorster lewer die Rapport.
- B. Die Rapport word staande die Sinode afgehandel.
- C. **Besluit:** Punt 2.5 van die Rapport word verwys na die Ordekommissie.
- D. Ds CA Jansen rapporteer namens die Ordekommissie.

E. RAPPORT

1. Opdrag

Acta 1991:60, 5.4 en Acta 1997:37, 3.3.12.2.

- 1.1 Uitnodiging aan kerke, instansies, Sinodes om groete oor te bring
- 1.2 Uitnodiging te rig om afgevaardigdes te stuur
- 1.3 Uitnodiging te rig om waarnemers te stuur
- 1.4 Stukke vir die Agenda te ontvang, te orden, persklaar te maak, te laat druk en aan die afgevaardigdes te stuur
- 1.5 Die vergadering byeen te roep om die programmering van die Agenda te doen
- 1.6 SAPA en CNW van die Sinodesitting in kennis te stel
- 1.7 *Benoeming van Deputate*
 - 1.7.1 Verwittig benoemde Deputate van die Sinode van hul benoeming
 - 1.7.2 Benoem Deputate waar die Sinode in gebreke gebly het om dit te doen
- 1.8 Tref reëlings dat groete namens die Gereformeerde Kerke van die Nasionale Sinode oorgebring word
- 1.9 Gaan die Handeling van die Nasionale Sinode 1997 deur en gee die sake wat by die Algemene Sinode tuishoort, vir kennisname en behandeling deur. Die Deputate moet ook die kredensiebrief, soos gereël in Sinode 1991, in orde kry
- 1.10 Benoeming van 'n korrespondent vir Radio- en TV-nuusversameling
- 1.11 Registrasie van huweliksbevestigers uit ander Nasionale Sinodes deur die Administratiewe Buro op Potchefstroom
- 1.12 Die Deputate ontvang korrespondensie, hanteer dit sover dit binne hul opdrag val, of verwys dit na ander Deputate wat wel die betrokke saak hanteer.

Besluit: Kennis geneem van 1.1 tot 1.12.

2. Sake waarvan die Sinode moet kennis neem

2.1 *Uitnodiging na die Sinode*

- 2.1.1 Om groete by die amptelike opening oor te bring: Waarnemers van die NG Kerk, NH Kerk en AP Kerk is genooi na die amptelike opening op 14 Januarie 2009 om 19:00 in die Gereformeerde Kerk Potchefstroom-Noord by welke geleentheid ook die groete van die Kerke oorgebring sal word. Die waarnemers is ook genooi om die Sinode by te woon.
- 2.1.2 Om die amptelike opening by te woon: Die afgevaardigdes van Sinode Soutpansberg asook die rektore van die Teologiese Skool Potchefstroom en die Noordwes Universiteit (Potchefstroom kampus) is uitgenooi na die amptelike opening, maar geleentheid sal ingeruim word gedurende die Sinode om die groete van die vergaderings en instansies oor te bring.
- 2.1.3 Om afgevaardigdes te stuur
Aan die volgende Deputate van Sinodes of kerke is uitnodigings gerig:
 - Sinode Soutpansberg (2 afgevaardigdes)
 - Christelike Gereformeerde Kerke in Nederland
 - Christian Reformed Church in North America
 - Eglise Reformée Confessante Au Congo
 - Free Church of Scotland
 - Free Church of Scotland (Continuing)

- Reformed Church in Botswana
 - Gereformeerde Kerke Nederland (Vrijgemaakt)
 - Nederlands Gereformeerde Kerken
 - Orthodox Presbyterian Church, VSA
 - The Presbyterian Church in Korea
 - Reformed Churches of Australia
 - The Reformed Church in Japan
 - Reformed Churches of New Zealand
 - The United Reformed Churches in North America
- 2.1.4 Om waarnemers te stuur:
- Afrikaanse Protestante Kerk
 - Die Vrije Gereformeerde Kerk in SA
 - Free Church of SA
 - Lanka Reformed Church
 - Nederduitse Gereformeerde Kerk
 - Nederduitsch Hervormde Kerk van Afrika
 - Presbyterian Church of America
 - United Reformed Churches in North America
- 2.2 *Stukke vir die Agenda*
- 2.2.1 Die volgende is in kennis gestel van die besonderhede aangaande die oproep na Sinode:
- die Deputate deur die Sinode benoem wat spesifieke opdragte gehad het
 - die Kuratorium van die Teologiese Skool
 - die Partikuliere Sinodes.
- Die volgende inligting is gegee:
- 2.2.1.1 Keerdatum vir Rapporte
- vir Agenda - 30 Junie 2008.
 - vir die Aanvullende Agenda - 1 November 2008.
- 2.2.1.2 Keerdatum vir stukke van die Streeksinodes – 7 dae na afloop van Streeksinode vergaderings.
- 2.2.1.3 Inligting oor wat in die Aanvullende Agenda opgeneem mag word (Acta 1967:39, 6 en 7).
- 2.2.1.4 Riglyne vir die opstel van die Rapporte (Acta 1991:57, 4.4 en 59, 5.3.4).
- 2.2.2 Kennisgewing in *Die Kerkblad*: Bogenoemde inligting is in *Die Kerkblad* van Januarie 2008 gepubliseer.
- 2.2.3 Die Agenda vir die afgevaardigdes van die Streeksinodes is direk aan elke Streeksinode gestuur sodat dit aan die afgevaardigdes beskikbaar gestel kan word. 'n Agenda per laserskyf is ook aan elke Kerkraad gestuur.
- 2.3 *Benoeming van Deputate deur die Streeksinodes*: Die Streeksinodes is versoek om:
- 2.3.1 Die Deputate vir Programmering te benoem – een uit elke Streeksinode asook 'n sekundus. Die vergadering vir dié Deputate is bepaal vir Vrydag 5 Desember 2008 om 09:00.
- 2.3.2 Benoeming vir Regsdeputate vir Advies insake Appèlle en Beswaarskrifte: In terme van die Beskrywingspunt van Partikuliere Sinode Noord-Transvaal (Acta 1991:539/540, 22.19) is die Streeksinodes ook versoek om een Deputaat te benoem. Hierdie Deputate vergader 5 Desember 2008 om 09:00.
- 2.4 *SAPA en CNW*: 'n Persverklaring is opgestel en uitgereik en aan SAPA en CNW gestuur.
- Besluit: Kennis geneem van 2.1. tot 2.4.**
- 2.5 *Persverklaring*: Die Agenda word op versoek beskikbaar gestel met die voorbehoud van kopiereg totdat die saak tydens die Sinode gestel word.
- Besluit:**
- 1. Die term “kopiereg” nie meer t.o.v. die Agenda en Aanvullende Agenda gebruik word nie.**

2. Die Agenda en Aanvullende Agenda nie publiek openbaar gemaak word, alvorens die Sinode gekonstitueer het nie, waarna die Sinode die dokumente as Agenda en Aanvullende Agenda aanvaar.
3. Afgevaardigdes ontvang vooraf kopieë van die konsep Agenda en konsep Aanvullende Agenda om vir die Sinode voor te berei.

Besluit: Goedgekeur.

2.6 *Benoeming van Deputate:* Die Deputate het die volgende gedoen:

- 2.6.1 Al die voorsitters van Deputate soos deur die Sinode aangewys, kennis gegee van die benoemings. Opdragte soos by die benoemings aangegee, is aan die voorsitters deurgegee.
- 2.6.2 Deputate benoem waar die Sinode in gebreke gebly het om dit te doen: Geen gevalle het voorgekom nie.
- 2.7 Benoeming van 'n korrespondent vir Radio- en TV-nuusversameling: Die Administratiewe Buro hanteer die saak op 'n deurlopende basis deur nuusberigte aan CNW, Radio Pretoria en NBC te stuur.
- 2.8 Registrasie van huweliksbevestigings uit ander Nasionale Sinodes deur die Administratiewe Buro op Potchefstroom: Die opdrag word op 'n deurlopende basis uitgevoer.
- 2.9 Die Deputate ontvang korrespondensie, hanteer dit sover dit binne hul opdrag val, of verwys dit na ander Deputate wat wel die betrokke saak hanteer. Die opdrag word op 'n deurlopende basis uitgevoer.

Besluit: Kennis geneem van 2.6. tot 2.9.

3. Finansies

Die Agenda en Aanvullende Agenda is deur die Administratiewe Buro saamgestel, gedruk en gebind. Die koste daarvan is teen die begroting vir die Sinodekoste gedebiteer. Om koste bespaar is dit weer in A4-formaat gedupliseer of word laserskywe uitgereik.

Besluit: Kennis geneem.

4. Hantering van Kommissierapporte en Notule

Om die Handeling maklik saam te stel word versoek dat dieselfde verwysings gebruik word soos wat dit in die Agenda en Aanvullende Agenda aangegee word, bv. Agenda = A, en Aanvullende Agenda = AA. Gestel die Rapport van die Deputate vir Emeritaatsversorging is in die Agenda 12.1, dan sal dit in die AA ook 12.1 wees. Die Kommissie rapporteer en verwys na A12.1 en AA12.1. In die Notule word dan by elke artikel die saak ook so aangegee, nl.:

Artikel 26

A 12.1 Rapport Deputate vir Emeritaatsversorging

AA 12.1 Aanvullende Rapport.....

Besluit:

Dit sal veroorsaak dat regstellings maklik op die woordverwerker aangebring en die besluite daarvoor ingevoeg word. 'n Kronologiese lys van artikels word gegee en 'n indeks saamgestel.

Besluit: Kennis geneem.

F. AANVULLENDE RAPPORT

1. Sake waarvan die Sinode moet kennis neem

1.1 *Groetebodskappe ontvang vir die amptelike opening*

1.1.1 Die volgende persone het groetebodskappe gestuur wat in die Handeling opgeneem sal word:

- Groetebodskap van die Rektor van die Teologiese Skool Potchefstroom

- Groeteboodskap van die Nederduitsch Hervormde Kerk van Afrika
- Groeteboodskap van die Afrikaanse Protestantse Kerk

1.2 *Uitnodiging om 'n waarnemer/afgevaardigde te stuur*

1.2.1 Geen antwoord is van die volgende ontvang nie:

Waarnemers

Sinode Soutpansberg
Eglise Reformée Confessante au Congo

Afgevaardigdes

Nederlands Gereformeerde Kerken
Lanka Reformed Church
The Reformed Church in Japan
The Presbyterian Church in Korea

1.3 *Benoemings van Partikuliere Sinode*

1.3.1 Regsdeputate vir Advies insake Appèlle en Beswaarskrifte

Die volgende benoemings is ontvang en aan die voorsitter, ds PA Coetzee deurgegee:

Bosveld	Ds LAS Nel
Noordwes	Dr J Smit
Oostelike	Ds PW Kurpershoek
Vrystaat en KwaZulu-Natal	Di BC Smit en MJ Temba
Pretoria	Ds HJP de Beer
Randvaal	Dr FP Kruger
Suidelike	Ds H Reinecke

Die ander lid benoem deur Sinode 2006 is ds RM van der Merwe.

1.3.2 Deputate vir Programmering

Die volgende benoemings is ontvang en aan die voorsitter, ds LH van Schaik deurgegee:

Bosveld	Ds G Opperman en oudl CNW Ligthelm
Noordwes	Di PJ van Blerk en W Vogel
Oostelike	Drr SP van der Walt, JH Howell en ds MA Modise
OVS en Natal	Di HF van Wyk en AP de Jager
Pretoria	Dr PH Heystek
Randvaal	Dr D Lartz en ds P Fanoy
Suidelike	Ds D Pansegrouw en oudl FJ Kruger

Die ander lid benoem deur Sinode 2006 is ds CA Jansen.

Besluit: Kennis geneem van 1.1 tot 1.3.2.